

## VI.

Bilo je i političkih motiva, koji su bili usko povezani s ovim ekonomskim motivima i na kojima su se također zasnivala gledišta onih, koji su u novoj imigraciji vidjeli ugroženje postojeće vlasti u lokalnoj i nacionalnoj politici:

»... Lokalna je samouprava razbijena... Nepismene, nečiste, moralno i fizički inferiorne, neameričke, kriminalno sklone, niske klase stranaca sačinjavaju vrlo opasni dio stanovnika naših općina i postaju opasnost našim institucijama... narodnosti, koje doprinose veći procenat pauperskom elementu u ovim i drugim gradovima, to su baš oni, koji dolaze od ovih skupina najmanje poželjnih iseljenika, a najmanje dvije trećine od tog elementa dolazi baš iz istočne i južne Evrope...« (Statement of Rev. MO. Lichliter, Harrisburgh, Pa., op. cit.)

Prikazivanje imigracije iz istočne i južne Evrope u ovakovom političkom svijetlu bilo je uvedeno zato, da se uzdrma gledište onih, koji su se uvelike koristili iskorišćavanjem uvezene jeftine i nestručne radne snage, ali istovremeno tu su bili baš oni, u rukama kojih je bila i politička vlast, a ta je mogla da bude ugrožena izbornim glasovima useljeničkih masa. Ipak su i takvi motivi relativno rjeđe izražavani i to valjda iz onih istih razloga, koji su držali u pozadini i manifestaciju ekonomskih interesa kao glavnog uvjeta za postojeći antagonizam.

Borbe o ravnotežu sila u međunarodnoj politici dolaze također u obzir kao važan činilac, koji je